

Էր գնահատում ձեր եկեղեցանվեր ծառայությունները և Էջմիածնասեր ոգին երջանկահիշարակ Վազգեն Ա Ամենայն հայոց հայրապետը: Մեր գահակալության նախընթաց փաստը փարիներին Մենք ևս բազում առիթներ ենք ունեցել ուրախանալու «Սուրբ Էջմիածնի Կրոնասեր Տիկնանց համախմբումի» կյանքի կոչած եկեղեցաշեն գործերով և փառաբանելու Բարձրյալն Աստծուն, որ մեր Եկեղեցուն պարգևել է ձեզ պես հավաքավոր ու ծառայասեր դուստրեր: Ձեր գործերով դուք լուսավոր նոր Էջեր եք հավելում մեր Եկեղեցու պարմության մեջ և հավաքավոր ընթացքով Ամենախնամ Տիրոջ օրհնությունը վաստակում ձեր, ձեր ընտանիքների և համայն մեր ժողովրդի համար:

...Միլեդիներ, յուրաքանչյուր հոբելյան անցյալը գնահատելու հետ մեկտեղ նաև սկզբնակետ է ապագայի գործունեության: Հիսնամյա հոբելյանը խանդավառության ու նոր ներշնչանքների հրավեր է ձեզ՝ հայրենապաշտ և եկեղեցասեր ոգու մեջ առավել գործնալու և աստվածահաճո նոր նախաձեռնություններով ձեր առաքելությունը զարդարելու համար: «Հասարակություն կացէք ի հաւարս, ժրացարուք, զօրացարուք: Ամենայն ինչ ձեր սիրով լիցի» (Ա Կորնթ. ԺԶ 13):

Հայոց Առաքելափառապար Սուրբ Աթոռից, Սուրբ Գրիգոր Լուսավորչի Գահից հայրական սեր ենք բերում ձեզ ու ձեր ընտանյաց անդամներին: Հայրապետիս աղոթքն է, որ Բարձրյալն Աստված Իր Ամենախնամ հովանու ներքո պահպանի «Սուրբ Էջմիածնի Կրոնասեր Տիկնանց համախմբումը» և մշտառաք օրհնությամբ շնորհագարդի ձեզ ամենքիդ՝ պարգևելով քաջառողջ, երկար կյանք և երկնահեղ ամենայն բարիք», - նշվում է հայրապետական օրհնության գրքում:

Սրբազան արարողությունից հետո Նորին Սրբության նախագահությամբ կատարվեց հոգեհանգիստ համախմբումի ննջեցյալ անդամուհիների հոգիների հանգստության համար, ովքեր իրենց կյանքով ու բարի գործերով հավասարեցին իրենց սերն ու նվիրումն առ ժողովուրդն հայոց և առ Մայր Եկեղեցին:

ՄԱՅՐ ԱԹՈՌ՝ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՆԱԽԱԿԱՐԳ

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԼԻԲԱՆԱՆԻ «ՍՈՒՐԲ ԷԶՄԻԱԾԻՆԻ ԿՐՈՆԱՍԵՐ ՏԻԿՆԱՆՑ ՀԱՄԱԽՄԲՈՒՄԻ» ԱՆԳԱՄՆԵՐԻՆ

Նոկտեմբերի 9-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պապրիարք և Ամենայն հայոց Կաթողիկոսը հանդիպեց Լիբանանի «Սուրբ Էջմիածնի Կրոնասեր Տիկնանց համախմբումի» անդամուհիների հետ, ովքեր եկել էին հրաժեշտ փառու Նորին Սրբությանը:

Վեհափառ հայրապետը վերստին իր գնահատանքը հայտնեց ներկաներին՝ վստահություն հայտնելով, որ երջանկահիշարակ Վազգեն Ա հայրապետի հոգին այս պահին ուրախություն է ապրում և օրհնում նրանց, որ համախմբմբ մեկտեղվել են Սուրբ Էջմիածնում և փոխախմբում են միության հոբելյանը, որ սրելով էլ հոգևորյա Հայոց հայրապետի գահակալության շրջանում:

«Գնահատելի է Ձեր նվիրումը, սերը և հավաքարմությունը հանդեպ Մայր Աթոռ Ս.

Էջմիածինը, որոնք երբեք չեն սասանվել և չեն փկարացել: Մշտապես, բոլոր պարագաներում դուք բաջությամբ, լավարեսության ոգով և առ Ս. Էջմիածինը հավաքով իրականացրել եք ձեր ծառայությունը՝ ջերմ պաշտպանը մնալով Ամենայն հայոց հայրապետության և Մայր Աթոռ Սուրբ Էջմիածնի»,- ասաց Նորին Սրբությունը՝ նշելով, որ բոլոր սերունդները գնահատանքով պիպի հիշեն համախմբումի անդամուհիների նվիրյալ ծառայությունը և սերը մեր ժողովրդի, հայոց Եկեղեցու և հայրենիքի հանդեպ:

Իրենց սրբի խոսքն ասացին նաև համախմբումի անդամները՝ շնորհակալություն և երախտագիտություն հայտնելով Նորին Սրբության և Մայր Աթոռ Սուրբ Էջմիածնի հոգաբար վերաբերմունքի և ջերմ ընդունելության, ինչպես նաև մեկշաբաթյա հազեցած ժամանակացույցի համար:

Այս առիթով Ամենայն հայոց հայրապետը նաև գնահատանք հայտնեց հիմնամյա հոբելյանին նվիրված միջոցառումների կազմակերպիչ հանձնախմբին՝ գլխավորությամբ Մայր Աթոռի լուսարարապետ Տ. Արարար Լախակոյուն Գալթագճյանի:

«Սուրբ Էջմիածնի Կրոնասեր Տիկնանց համախմբումի» հիմնադրման 50-ամյակին նվիրված մեկշաբաթյա միջոցառումներն ավարտվեցին Երևանի Կամերային երաժշտության տանը հոկտեմբերի 8-ին հանդիսությամբ, որի ընթացքում համախմբումի անդամուհիներին իր գնահատանքի և օրհնության խոսքն ուղղեց Ամենայն հայոց հայրապետը, իր սրբի խոսքն ասաց նաև ՀՀ մշակույթի նախարար հասնիկ Պողոսյանը:

ՄԱՅՐ ԱԹՐՈՒ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՀԱՄԱԿԱՐԳ

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԱՐԺՈՒՅԹԻ ՄԻՋԱԶԳԱՅԻՆ ՏԻՄՆԱԴՐԱՄԻ ՏՆՕՐԵՆՆԵՐԻ ՊԱՏՎԻՐԱԿՈՒԹՅԱՆԸ

Հոկտեմբերի 11-ին Մայր Աթոռ Սուրբ Էջմիածնում Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն հայոց Կաթողիկոսն ընդունեց պաշտոնական այցով հայաստանում գտնվող Արժույթի միջազգային հիմնադրամի գործադիր տնօրենների պատվիրակությանը՝ ուղեկցությամբ ՀՀ Լեոնովիկայի նախարար Ներսես Երիցյանի և ՀՀ Կենտրոնական բանկի նախագահի տեղակալ Վաչե Գաբրիելյանի:

Հանդիպմանը Վեհափառ հայրապետն իր գոհունակությունն ու երախտագիտությունն արտահայտեց Արժույթի միջազգային հիմնադրամի տնօրեններին՝ իրենց ջանքերի ու ներդրումների համար համաշխարհային տնտեսության կայուն ընթացքն ապահովելու և մասնավորապես հայաստանին ցուցաբերած օժանդակության համար: Նորին Սրբությունը նրանց գործունեությանը մաղթեց արդյունավետ ընթացք՝ հանուն մարդկության բարօր ու ապահով կյանքի:

Զրույցի ընթացքում Ամենայն հայոց հայրապետը հյուրերին հակիրճ ներկայացրեց հայաստանյայց Առաքելական Եկեղեցու պատմությունն ու առաքելությունը, ներկայիս մարտահրավերները: Զննարկվեց համաշխարհային ֆինանսատնտեսական կացությունը և իրականացվող հակաճգնաժամային ձեռնարկները:

ՄԱՅՐ ԱԹՐՈՒ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՀԱՄԱԿԱՐԳ